

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2017-imeersoq
 (Soraarnerussutisiaqalernissamut aningaasaatit Kalaallit Nunaanni angerlarsimaffeqartut akileraaruserneqartarnerat, soraarnerussutisiassanik naafferartumik annertoqatigiimmik tunniunneqartartussanik soraarnerussutisiassanik nuussineq, akileraarutitigut sumut attuumassuteqarnermut tunngasut aamma avataaneersunut sulisussanut, Namminersorlutik Oqartussat sinnerlugit mittarfiliassanik suliaqartunut, ilanngaasiinnginnermi akileraarutinut aaqqissuussineq)

(Aningaasaqarnermut Akileraartarnermullu Naalakkersuisumit saqqummiunneqartoq)

pillugu

Aningaasaqarnermut Akileraartarnermullu Ataatsimiititaliap

siunnersuutip pingajussaaneernejarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Immanuelson, Siumut, siulittaasoq
 Inatsisartunut ilaasortaq Randi V. Evaldsen, Demokraatit, siulittaasup tullia
 Inatsisartunut ilaasortaq Peter Olsen, Inuit Ataqtigiit
 Inatsisartunut ilaasortaq Bendt Kristiansen, Inuit Ataqtigiit
 Inatsisartunut ilaasortaq Martha Lund Olsen, Siumut
 Inatsisartunut ilaasortaq Ineqi Kielsen, Siumut
 Inatsisartunut ilaasortaq Kelly Berthelsen, Inuit Ataqtigiit

Ulloq 16. november 2017-imi aappassaaneerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Siunnersuutip aappassaaneernejarnerani ataatsimiititaliap isumaliutissiissutaa ataatsimiititaliamit innersuussutigineqarpoq.

2. Siunnersuutip Inatsisartunit siullermeernejarnera

Siunnersuut aappassaaneernejarami tapersorsorneqarluarpoq. Apeqqutit nalornissutaasut paasinarsisinneqarnissaat siunertaralugu siunnersuut ataatsimiititaliamit suliarineqartussanngorlugu innersuunneqarpoq.

3. **Ataatsimiititaliap siunnersuummik suliarinninnera**

Ima kissaateqarluni siunnersuut ataatsimiititaliamut innersuuteqqinneqartoq ataatsimiititaliamit maluginiarneqarpoq:

- Najukkani sulisartut sulisartulluunniit avataaneersut inuit pisinnaatitaaffinut uniuutumik pineqannginnissaannik Naalakkersuisut uppersaanaerat aamma
- Najukkani sulisartut sulisartulluunniit avataaneersut akikinaarlugit sulilersinneqannginnissaannik Naalakkersuisut uppersaanaerat.

Kissaatit siuliani taaneqartut immikkoortup pingajussaaneernejarnissaanut akissuteqaamminni Naalakkersuisut oqaaseqarfigissagaat ataatsimiititaliamit naatsorsuutigineqarpoq.

4. **Siunnersuutip aningaasaqarnikkut kingunerisassai**

Ilanngaasiinnginnermi akileraarusiisarnermik aqqissuussinerup allanngortinneqarnerata aningaasaqarnikkut kingunerisassai tunngavissat maanna pigineqartut tunngavigalugit (inaarutaasumik) naatsorsorneqarsinnaangitsut nassuiaatini allassimavoq.

Suliassat annertussusissaat pillugit maanna ilisimasat tunngavigalugit naatsorsuisoqarsinnaasariaqartoq ataatsimiititaliaq isumaqarpoq, tamatumunngalu ilanngullugu sulisartut nunanit allaneersut ilanngaasiinnginnermi akileraarusiisarnermik aqqissuussinnermut ilaasussat pisariaqartinneqartussat naatsorsuutigisat. Taamatut naatsorsuinerit mittarfiliornissamik suliassanik Inatsisartut suliarinninnerminnik nangitsinissaanni tunngavissiissapput. Naatsorsuinerit taamaattut suliarineqarlutillu Aningaasaqarnermut Akileraartarnermullu Ataatsimiititaliamut kingusinnerpaamik 2018-imi upernaakkut nassiunneqarnissaat ataatsimiititaliamit Naalakkersuisunut kaammattuutigineqarpoq.


5. **Ataatsimiititaliap inassuteqaatai**

Siunnersuut Inatsisartunit akuerineqassasoq **ataatsimiititaliami amerlanerussuteqartut siuliani taaneqartut inassutigaat.**

Ataatsimiititaliami ikinnerussuteqartoq siunnersuut pillugu ima oqaaseqaateqarumavoq:
“Siunnersuutip aappassaaneernejarnerani ataatsimiititaliap isumaliutissiissutaani ikinnerussuteqarlutik oqaaseqaatitik Demokratinit innersuussutigineqarpoq.

Tamanna tunngavigalugu siunnersuut Inatsisartunit itigartinneqassasoq **ataatsimiititaliami ikinnerussuteqartup siuliani taaneqartup inassutigaa.**


Taama oqaaseqarluni isumaliutissiisummilu allassimasutut oqaaseqaateqarluni ataatsi-
miititaliap siunnersuut aappassaaniigassanngortippaa.



Jens Immanuel, siulittaasoq



Randi V. Evaldsen



Peter Olsen




Bendt B. Kristiansen



Martha Lund Olsen



Ineqi Kielsen



Kelly Berthelsen